

四庫禁燬書叢刊編纂委員會

北京出版社

四庫禁燬書叢刊

集部第七三冊目次

繡虎軒尺牘八卷二集八卷三集八卷

〔清〕曹煜撰
清康熙傳萬堂刻本

..... 一

西齋集十八卷

〔清〕王仲儒撰
清康熙夢華山房刻本

..... 四六九

繡虎軒尺牘八卷二集八卷三集八卷

〔清〕曹煜撰

清康熙傳萬堂刻本

清華大學圖書館藏

序

嘗讀蘇穎濱上韓太尉書
以爲文者氣之所形孟子
善養浩然之氣故其文寬
厚宏博充乎天地之間稱
其氣之小大太史公行天
下徧覽名山大川與燕趙
間豪俊交遊故其文疏蕩
有奇氣竊嘆其言誠爲知
文者然則吾人胸中苟非

浩浩落落有不可一世之
槩而欲以詩文垂諸不朽
豈可得哉今讀凝菴李年
兄繡虎軒集而益歎蘇子
之言爲不誣也凝菴學綜
今古而賦性忼爽肝膽照
人能爲人之所不能爲亦
能言人之所不能言使出
而見用于當世其功名事
業必卓卓有大過人者乃

七上公車不售觀集中擬
陳情一表大意見乎辭矣
其爲詩與文也皆自由機
抒不屑蹈襲前人或寫其
悱惻之懷或展其激昂之

序三

志或感物以寓意或論古
以言情昌黎所云不得其
平則鳴者也而其中渾瀚
磅礴之勢如崩崖如裂石
如風雨之馳驟如江河之

橫決非積氣之厚者其能
乃爾耶今秉鐸婁江與諸
生課藝習射之暇訓以修
德砥行勉以忠君澤民莫
不景行仰止以爲今日之
安定先生也假令以凝菴
之學之才薦于

序四

當宁俾得備

顧問著作之選聞發經史之
奧義潤色禮樂之鴻文否

則作爲詩章以歌咏

本朝之功德而上追古雅頌

之作者豈不偉歟卽安在

茲集非羔雁之先資而以

浩浩落落之氣發于詩文

序五

者不可見于功業也哉吾


知

聖天子在上屢詔求賢凝菴

必不久在苜蓿一席矣

康熙戊午暢月年眷制第

繆彤稽首拜題



序六

例

一不佞自兒時即學為詩。學為古文詞。至十六七歲抵河北。從前囊篋俱已亡。大今初集所錄者。二十歲後河北諸作耳。他鄉雲物。總是愁圖。故國山川。徒成夢境。班超備書之日。卿筆何之。劉賁下第之時。抱策無對。感既興懷。良有以也。

一不佞作詩不讀詩。作文不讀文。偶爾興至。意到筆隨。詩之似唐。似漢。文之如歐。如蘇。評者

凡例

俱非知我。我之所作。篇篇皆繡虎軒之文句。句皆繡虎軒之詩。而已。未識桃源何處。敢云獨自成家。總云鐵笛頻吹。不過偶然摸竅。

一不佞原無灾水之意。因在婁江學舍。諸相

勸偶出次集若干卷。為書林許子所梓。故次集先成于甲子年之前。而三集初集繼刻之。

初集之成。獨後于各集。故次集尚以榜姓之

李為名。而三集初集成于奉

旨。沒姓之後。遂以不姓冠之也。成納未更郭姓。

愧矣。封侯仲淹。不襲朱。稱依然。祖范。

繡虎軒主人識



凡例

婁中 紳士為余勒碑建祠落
成有愧自題二首

峴首爭傳羊祜碑征南沉水更何
為慚無教似湖州澤豈得生如仁
傑祠盛舉難酌多士意留銘或借
外孫辭何當黎庶尤堪笑幾處分

身位置奇

婁中百姓復有立余生
位于一賢祠文昌祠南

舍者

公論從來重口碑縱教人力不能
為子瞻到處雖留蹟項羽臨江亦
有祠俯仰祇增今日愧褒譏無定
後人辭春風影裏垂楊舞留與啼
鶯共叫奇

凝菴曹李煜

繡虎軒尺牘卷一

金沙曹煜亮采著

門人

許旭九日
唐孫華實君

校定

起甲寅九月

與楊賦臣同年

彈指淮干陽秋六易老年兄道學日隆關西再
睹曷勝仰止弟魚魚鹿鹿謬膺斐江一席自顧
多慚所喜與吾年兄同鄉同譜茲更同官而一

尺牘

卷一

衣帶水間尤得斯夕晤教快何如之因宿令一
案自二月中就理白下七月始獲脫然恐遲憑
限遣价回邳取文而自至吳門待之不意坐守
兩旬鈍俘未至米珠薪桂諸事維難正爾展側
忽睹霞章飛下足紉吾年兄相念之殷真如骨
肉感當何如先此申候台祺俟至敝席再圖遣
報倘新婦入室井竈不支尙祈吾年兄暫為分
光不致停續何如臨緘翹注不至

蘇黃尺牘全在真率中人情入骨
所以為佳讀茲數行宛然相如

與任楚才廣文

揚州風暖邗水酒清主人情重弟至今猶醒未
解也別後弟事竣于七月從金陵東趨吳會羈
遲閱月日攬虎丘風月作知已北望長汀與年
翁咫尺千里每月明一色中覺伊人不遠吟賞
之餘不勝惆悵年翁知否便鴻馳候無限悠悠
此書有清風
來故人之意

與王玉符

淮水波澄秋光如滴吾年兄與二三知已日醉

尺牘

卷一

二

歸亭深綠中或彈碁或咏詩或踏歌相和致足
樂也弟因丘令所牽七月終乃得脫然無累又
慮渡江羈遲先至吳會以候府文不意史書欲
魚肉之滯不發文使弟困守吳門日望千里彼
以阿堵紫懷致我天涯落魄情何以堪惟年翁
為我亟圖之北望再拜神與書馳

清浩落落
直抒胸次

與陸迦夫

蘇臺月冷虎丘風冽弟候文此間蕭疎中忽憶

故人陸遜夫以三十年骨肉知已未得一面而別悵也何如向有一函囑以瑣事想已達之記室矣小兒母子抵婁江別圖報謝便鴻先此申悃臨緘不盡珍重

蒼雁赤鯉時傳尺素清風明月俱繫相思

與陸伯達

屢有寸言相賣想門下無不為我竭蹶也茲在吳門無聊中逢憶存猶舊侶覺吳天秋况平日所心往而不得一見者今舉目輒成愁厭乃知

庚庸

卷一

三

樂意則隨地有靈山拂情則觸目皆怨壘耳奈何奈何便鴻附候諸凡幸惟留念

人情之詞饒有道氣樂意拂情語可以傳禪吾輩所如不偶宜乎怨壘多而靈山絕少也

謝朱雲升

夜來樂甚醉甚進城乘舟小步時又復更深矣燈火歷落于萬趾雜遝中一酒徒蹣跚其間真堪描畫也小詩呈笑

須知叔夜之玉山顛非真獨醉

送郁東堂

年翁此行秋風得意便爾上苑看花矣不知阿婆子復能濡敝帚隨君東塗西抹否小詩不成句尤不成字聊誌別貽勿哂也道出鍾吾弟有二函煩尊紀投故人陸遜夫倘道途倦乏則投之濁流開函呈覽示無所關也青雲萬里珍重珍重

風致灑落

復沈康生

又庸

卷一

四

一別竟十年餘每詢同人知吾年兄為錢穀所枉扼腕痛心已非一日昨過訪不值駕臨又復失候弟兄離合卽一晤亦自有數存焉耶明日仙舟何處弟當趨晤山色澄秋水光漾碧相持一哭更復大笑登高從虎丘絕頂處一空千古可也幸復不盡

舊則

與陳幼木

曩于貴署酌德無量連日望小伴不至大是奇

事李亮采因一璫乞米吳門竟無門可乞徒成
他日佳話特向年翁商之倘可稍援家口船
王即得湊償矣年翁許我晚刻步來面領幸賜
同玉

乞米乞食同一哭
市也氣格遶庭矣

復王惟夏

讀文存一書年翁教我久矣茲得過從真千古
快事適見手翰知註誤之枉不勝欷歔然年翁
固一代偉人窮愁不足累也我輩精神所感天

人讀

卷一

五

地爲通數日外即當把握一快噤談百世尊論
統勒不宣

胸中有長劍不獨
辭今之絕故也

別徐龍友

疇昔之夕年翁以知己待弟弟素無量又因小
倖未至忽忽心動洒在喉下欲湧叙叙一別連
日感且悵也年翁或心訝之耶弟往妻有日矣
先爲年翁掃除一室焚香候之不知兩院詳文
已下否幸示慰我書此由年翁稍稍別

短幅四五行耳
豪俠之氣逼人

復郁計登

前在吳郡卽神往婁江有計登其人者欲旦暮
師之今至止且二十日未得一晤計登弟誠俗
士哉聞年翁爲造化小兒所苦豈我輩之交非
同泛常天固不肯易作之合耶聞小愈把握不
逢矣弟非才諸凡不諳者年翁先以手爲口時
時教誨之不敢忽也

讀此幅覺至性
動人慨然千古

人讀

卷一

六

與高子型

知己二十餘年夜雨篝燈以及屋梁落月同在
河北而離合不常此心耿耿顧安得日夕相對
以快生平也弟一聞婁江之命卽欲與兄台一
晤而種種不偶今茲衷曲幸天相舍姪丈能代
悉之想兄台原不俟弟刺刺也匆劇數行惟知
已原鑒

叙事簡峻而
意復悠然

與史崱思

秋前承賢姪款洽殊未安也。別後沾沾至九月十八日始抵婁江。每念賢姪之才淪落若此。拍案呼天不能為賢姪醒。夢帝也。昨許兄云欲至敝齋深為欣暢。不但寒瑯寂莫可相對。歎而婁江夙多名士更可從青燈風雨中一一評騰之。如賢姪幾何人亦快事也。佇望佇望。

具見憐才至意令人吐氣

與鄒乾一

范文正公為秀才時即以天下為己任。今淫雨

尺牘

卷一

七

不息。妻東百萬戶咸展側弗寧。吾乾一得母輟歌而歎耶。承囑叙佳製久不報。今風雨為乾一董成矣。疾書奉覽。望有以政我也。煙素不知書法步惠韻二首。欲倩人錄以進。恐失知已面目。汗而自草。不成句尤不成字。乾一笑擲之而已。
落洛數行委婉周至
蘇黃短札不足過也

寄陸九初湯筠子德隅王左生劉象先下

邳諸子

去冬別諸同人嗣因宿令所牽倉皇赴理竟未

得過圯上與知已弟兄一別抱歎可知今初至

婁東米珠薪桂又連雨數月歲歉異常雖諸生雅誼殷殷不以弟為才菲而室家之累殊亂人懷每于淒風苦雨時獨坐一樓憶吾邳知已醉歌嗚嗚舌利口穢誰浪成文十餘年快事今一旦遠隔江河不能復得且選言飾貌莊莊乎作老教官伎倆以欺諸生自顧多慚諸君得毋生厭耶。然論文敲詩此中原不乏人諸知已過我一觀之弟當典敝裘作平原約也不我遐棄弟

尺牘

卷一

八

日望之

率意疾書雖疎虞宛似曹孟德語氣

寄鄭文美

弟與二兄契厚無異令兄而與令兄交則較泛泛者大異也。每憶長安道上路月同歸黃石橋頭看雲共笑今南北分飛令兄僕僕塵埃中作吏良苦弟困守寒廛凄涼更甚不知何時聚首再與劉麻王胖湯瞻輩潦倒卿家甕邊也。思之寔增浩歎。小札附候令兄煩付尊紀寄入雲中。

臨楮神切

劉歷王胖入尺牘中都賦
韻事真所謂點鐵之妙

復郁弘初

前聆塵談年翁誠少年領袖也文章道誼俱已
出人頭地至風雅一事以年翁之才何難驅杜
鞭李然進取之道似非所急正不必以此自歉
也小价在淮因王師南下淮府官吏冗無暇
晷俟其過淮方得轉文屈指當在半月之後不
敢更煩仙帆見逆也匆匆緘復是原

尺牘

俯然之致可想
見鄭虔風度

宋一

九

別郁肇敏

康生虎丘之會無生人在席故樂甚醉亦甚也
年兄吐之于前弟歸來効顰于後亦不忍獨苦
年兄之誼乎非量之罪也一笑一笑小价從千
萬騎中來第十五日往妻江矣翌明不得面別
謁府時再振酒兵與年兄決勝何如
知已暢聚自與尋常宴會不同樂而醉
醉而吐吐而思再振酒真皆韻事也

復李條侯

尺牘

宋一

一

感誼負慚種種非筆能盡弟本非材何敢當尊
論所云九月十八日抵妻席後每見傾伊人稱
年翁才品交誼弟因向諸名士詳述之人人恨
相見晚不知果能如尊論所云過弟細論文否
弟日望之外陳者弟三十年經營河北止得一
身南渡遭獸親橫逆幾不能保五歲之雛言之
痛泪交下年翁曾聞之否此獸弟兄自五六歲
時弟撫養成入父母兄弟皆弟猶之非之又為
延師教之娶婦婦之覆翼之恩通國皆知因獸
娶悍婦周氏與亡妻姊弟為難已非一日邇來
念其姊亡更加恩義忘怨加惠豈非人情所難
而獸乘弟遠出糾合亡命搶劫我家產逼取我
券文持刀殺我之子捏款汗我之名幼婦舍皇
僮僕驅散即云為貧無賴何至忘恩若此特為
揮泪一陳想有以動其不平也倘彼俛首歸降
望與令姪商而置之以全弟死生配偶之義不
則不稍繩之彼不知世間有天理有王法也此
心耿耿展側靡寧北望叩首幸惟鑒誨

十年磨劍今
日可以相示

復陳水津同年

自乙亥初夏與吾年兄握手長安今乃十五年
在夢中矣每南望兼葭伊人天際古人有詩長
疑卽見面翻致久無書逢夕月明兩人或有同
情也至于中間拂亂今日淒涼又非一筆一楮
所能道者見手示不啻奇珍陸生超等一名今
姪字號第一弟固已先年兄而識之驪黃之外
矣○暫此草復不知明年花發時肯過寒暑一慰

尺牘

卷一

相思否夜雨烟深冬殘風冽凝注欲言不盡

胸中磊落筆下蕭疎舊
承之致耐人十日思

與太倉張州守

治煜原係寒儒新磨娉席正如農家村女初嫁
貧兒本無纏頭錦襦以爲奩而入塵途空瓶之
室無米難炊有薪皆濕諸姑伯叔尙未識而典
賣借貸兩皆無術日含泪于甕前見翁姑而奚
語此種情況惟貧婦自知之而已老父臺保育
爲懷或亦察而憐之乎所餘俸金在老父臺真

太倉一粟而貧士寔賴以濟周饑倘慨然賜惠
則雖朝廷應給之祿而實老父臺破格之恩
矣○匍匐陳言幸惟台鑒

設喻諸妙一
讀一解頤

寄史雲次

曩過汴城極承骨月之雅別來流水爲年高山
在夢耿耿之懷何日能已二京令弟因假館入
吳便舟過晤寒暑夜雨挑燈忽憶先表兄待弟
之誼相與泣數行下硬咽不能語今二京苦而

尺牘

卷一

三

益苦弟欲割肉以贈而無肉可割悠悠此心負
疾存歿二京又極稱吾丈古道照顏深刻五內
而奇窘莫告欲再求吾丈以潤涸轍然轉語他
人恐吾丈以無厭責之不但不能濟其急且不
能諒其心弟不揣唐突敢爲曹丘彼優孟之衣
冠宛在惟吾丈以心目視之在二京銜恩可知
并弟亦得藉吾丈稍寬旦夕之罪于先表兄也
臨楮叩切泪下如雨

妻人
川脾

復湯孝元

閱佳咏。字字棒喝。前雖面領大教。不知社翁造詣。遂至此也。承贈加年問性道。所貴萬緣空之句。弟終日誦之。弟不知明年來齋頭之句。果能惠然否。弟日望之。暫復不盡。

想見道義之風

復陸遜夫

婁東去。尚猶千餘里。弟至止三月。以書致年翁者四矣。似較同邑。居時音書反數。亦快事也。曾

人

卷一

三

仲及與弟相交二十年。今惠然過署。其癡猶昔。其狂大減。大略貧累之耳。愧弟初至。與同人交淺言深。仲及所攜之物。實難出脫。惟使行家售其值。而稍豐之而已。然仲及源源而來。弟亦甚喜。其癡而憐其貧。他日或可徐報命也。北望翹切。原鑒不一。

貧能減狂。讀之使人太息。

與戴士招

承惠金剛寶經年。翁以菩提心堅。我幻泡影也。

敢不拜嘉。前向南郊觀梅。遂便道訪南廣老人。

老人爲我設齋。雖未及親嘗滋味。然已破伊蒲之慳矣。明日又折柬邀我。祈年翁代致南老。我輩如閒雲野鶴。不必以時日期之。他日興來。或偶然而去。一茶而歸。可也。豈必大哺僧厨作來生孽耶。一咲一咲。

何等解脫

解脫

復孫麟仲鄒蘭完

客冬見兩年翁手諭。回憶長安道上。逐逐糞土

人

卷一

十四

中事。不勝浩歎。今彈指又五六年矣。弟髮白。鬢班。聞兩年兄丰神如舊。差足慰也。潘年伯歸時。因所諭尚未得當。未敢奉答。方滋顏汗。反蒙見舉。愧更何如。人情風俗之薄。未有如茲土者。潘年伯此番又復空歸。弟不敢不以書報。又寔無以報之。但云終當爲潘年伯効其股肱之力。以不負兩年兄之命而已。貧齋寂寞。時事紛傳。弟連日憂悶。翻覺寒壇之累。兩年兄高擢在邇。俟杏壇花發時。始知山下人語不誣也。臨楮凝注。

不二

寒酸語自
是雄瀾

與陸伯達

知門下有弄璋之喜。彥宣有榮選之慶。俱快不可言。至不佞之苦。亦可略道之否。太倉合學。不過文武二百餘人。至今過晤者。不過五六十人而已。此五六十人者。情則甚厚。大略顏淵原憲。及於陵仲子耳。豈能憐孔孟之貧者哉。不佞署無石穀之積。而薪貴尤不可言。每日兩炊。尚患

尺眉

卷一

主

不給平生極愛者。竹署後有竹一方。代薪已盡。他可知矣。猶幸與此中文章有緣。日與多士高談博論。即室人交謫。亦作詩自娛。常慰內子云。天下無餓死之人。豈有餓死之官耶。黔婁之婦。今亦漸忘我貧矣。昨接手教。有如晤言。何當過我一探江南春色否。安有斷詩數卷。可以博粲。窮氣不能撲君也。一咲。

和靖詩好。書堆案。自非貧者之謂也。

與張堯然

辛聞姑母之變。汨從心湧憶。去夏執手撫摩。一片骨肉情景。身可再得。耶在吾表兄大孝終身。人子之心。雖無盡。而人子之事。則已畢矣。弟壯年飄泊。白首未歸。歲時伏臘。不能一登先人之墓。此中血墮。因姑母之信。而益難自止也。寒官近况。漸不如初。暫奉小贈。以供一七。秋霜墮時。當乞假歸來。撫棺一慟。伏乞表兄順變自慰。強飯是宜。珍重珍重。

至性至情
溢于楮幅

又續

卷一

主

與袁重其

少頃過弟四墓。一飯倘能辭大烹。而就苜蓿弟之幸也。重其之高也。何如何如。

情真語摯
辭令妙品

與郁計登

台旌兩過。未遑塵拜。想有以原之也。蒲節正佳。愧無才思。與同人向滄波。東吊沉湘人。想屈子至今日。天下更無知已矣。豈非吾輩之耻耶。承惠新茗。陳醅。拜一壁。一亦不敢使獨醒人恨弟。